

# ЭНЦИКЛОПЕДИЯ

Нам улгунун хаһыата 1935 сыл алтынньы 6 күнүгэр торуута басты

2001 с.  
Муус устар

26

күнэ  
чэппиэр  
№ 49-50 (8893)

## МУУС УСТАР 27 КҮНЭ РЕСПУБЛИКА КҮНЭ



### ТУРУГУРДУН МААЙ — СААС, ҮЛЭ БЫРААҤЫННЫҤА!

Бам ыйын 1 күнэ — Аан дойду үрдүнэн сомоҕолоһуу, доҕордоһуу күнэ. Сыл аайы улуус общественноһо, дыно-сэргэтэ бырааһынньыктааҕы демонстрацияга тобуорунар.

Норуоттар Аан дойду үрдүнэн 1 Маайга олохтообут сомоҕолоһууларын күнүн бырааһынньыгар культура тэрилтэлэрэ кэлин кэмгэ биир халыптаах культурнай программаны ытталларын, нэһилиэннэ араас арангытын интэриэстэрин учуоттаабаттарын, тоҕоостоох кэмгэ интернациональнай доҕордоһуу принциптэригэр болҕомтолорун уурбаттарын бэлиэтиэм этэ.

Билигин бутуурдаах кэмгэ дойду араас мунуктарыттан Намга олохсуйа кэлбит атын омуктар, улустар, куораттар бэрэстэбииттэллэрэ аймахтаһан-уруурҕаһан биир интернациональнай дьиз кэргэн буолабыт, биригэ үлэлибит-үөрэнэбит, куруутун көрсөбүт. Ордук улуус киинигэр Намга элбэх интернациональнай биллэр-көстөр дьиз кэргэттэр, чулуу дыон, бастың төһүү үлэһиттэр бааллар. Кинилэрэ дыон-сэргэ билэр, ытыктыыр, сүтүрүөйөр. Аҕа көлүөнэ сааһыран, активнай общественнай олохтон сотору сыһыа тэйиэҕэ, кинилэри солбуйар орто көлүөнэ дыно сөптөөх интернациональнай тыһыңҕа иитиллэн изпитин төлүүр кэммит кэлэн турар.

## ЭЙЭ, ҮЛЭ, ДОҔОРДОҔУУ ТУҤ ҮЛГЭТЭ

Намга өр сылларга бастыңнар ахсааннарыгар сылдыбыт Акимбетовтар, Гаврильветтар, Москвитиннар, Четвертаковтар, Пестеревтар, Поповтар династиялара, В.И. Байрак, Ф.И. Кислач, Падалкалар, Путренколар, Сысолятиннар, Тихоновтар, Чумаевскайдар, Ксенофоновтар, Бобровтар, Полищенколар, Говоровтар, Чесноковтар, М. Ли, З. Ван-Син-Чин, О.П. Хунданов, Усмановтар, Усовтар, Орешковтар, Зелиховтар, Зулеговтар, Гузненко, Р.З. Волох о.д.а. дьиз кэргэттэрэ баай историялаахтарың, Намы иккис төрөөбүт дойду онгостон улуус хаһаайстыбатыгар бэйэлэрин кылааттарың киллэрситтэрин бэри билэбит.

Атын сирдэргэ барыт дыон землячество хамсааһыннын тэрийэн сынныаланнарын биригэ атаараллар. Намга улуус культурнай олоҕор Муома уолаттара инники сылдыбаллар, Өлүөхүмэлэр А.Е. Кылаева тула түмсэллэр, ыһыһахтарына үчүгэй культурнай мероприятиялэри ыттар кыахтаахтар. Бүлүү, Үөһээ-Бүлүү, Ньурба талааннаахтара село общественнай олоҕор ортодук кытталлар эрээри кыахтарың сита туһамматтар, кизгэ аудиторияҕа тахса сатыахха баара. Уус-Алдантан, Чурапчыттан, Тааттаттан, Горнайтан, атын да улустартан кийииттэр-күтүөттөр, студенттар, курсаннар, бэйэбит айар доҕордугун кыайар-тобулар суолгутунан аһан көрдөрөн, олохтоох культура киинигэр баар народнай театр, хор, үңкүү коллективтарыгар, оһуокай, фольклор түмсүүлэригэр кыттан бырааһынньыктары баай ис хоһоонноохтук, интэриэһинэй таһымнаахтык ыттаргытыгар ыңырабыт. Барар эһиэхэ кимнээргэ кыахтаах, үчүгэй салайааччы, лидер баара буолуо.

Чөл мөссүөннээх олох госуларственнай политикаҕа кубулуйбута диниг ис хоһоонноох. Араас түмсүүлэри, юбилейнай дааталары аны арыгыта суох ыттыгы бары өттүнэн туһалаах, оччово бэрээдэги кэһи да намтыа, араас куһаҕан быһылаан да тумнуо этэ. Төһөлөөх эдэр дыон арыгылаан быстах өлүүгэ былдыанна!

Өрөбүл күннэргэ күнүскү кэмгэ урут дьиз кэргэниң, интэриэстэриниң, кулуттарыңан түмсэн культурнай-маасабай мероприятиялэри ыттыгы баара бары өттүнэн табыгастаах этэ. Ол үлэни ким да боппот ээ, тэрийээччилэр бэйэлэрэ кэтэмээйдиллэр. Нам селотун «Сыркы» уонна истибэттэр-көрбөттөр обществолара күнүскү кэми үчүгэйдик туһаналлар.

Дьокуускайга араас омуктар түмсүүлэрэ элбэх өрүттээх үчүгэй үлэни ытталларын хаһыакка үтүстүк суруйаллар, онно нууччалар түмсүүлэрэ обществоҕа туһалаах үлэни ыттан мөлтөөбүт, көмөҕө наадыйар арангаларыгар «Милосердие», социальнай өйөөһүн салаатынан ыттар үлэлэрэ олус наадалаах. Оройуоннастың да туох эрэ көңүллэммэт акцияҕа уорбаланаар курдук санаа урукку өттүгэр баара. Демократиянан сылтанан аһара баран амсайыт-аһаабыт олохтоохтор уулуссаҕа, дьизэ-уокка куттал суох буолууттар бэйэбит эппиэттирибитин умнумуоҕун. Аҕыйах ахсааннаах старожилларбытын, ветераннарбытын, бастың-маяк дьоммутун, талааннаах табаарыстарбытын, ыңгырылаах ыалдьыттары, омук бэрэстэбииттэлэрин кытта үүнэн эрэр көлүөнэҕэ интернациональнай доҕордоһуу, бэйэ-бэйэни хардарыта ытыктаһыы, өйөһүү үлэтин үтүө үгэстэрин үйэтитиэһин. Саңа үйэ бастаку сылын 1 Маайдааҕы үлэ, эйэ, саас бырааһынньыгар интернациональнай түһүлгэлэри олохтооҕун, тэрийиэһин. Онно түөлбөнэн, общественнай тэрилтэлэриниң саңатык, сонун формалары көрдөөн олоххо киллэрэргэ дьулуһун. Чөл мөссүөннээх олоҕу тутуһуубут кустук өңүөн сыдыааһын!

В. СЫРОМЯТНИКОВ

Ф. ЛУКИНА, Нам

### Сахам сирэ XXI үйэҕэ



Бүгүн муус устар 22 күнэ В.И. Ленин төрөөбүтэ 131 сыла.

Урут советскай тутулга ити күн Аан дойду прогрессивнай дыно улуу сирдэти өйдөөн-санаан, кэриэстээн ааһаллара. Үөрүүлээх күн комсомольскай-коммунистическай субуотуньуктар тэриллэн, үлэ-хамнас күөстүү оргуйара, норуот буттүүнүн бырааһынньыгар кубулуйара.

Сонуну түргэниң тиздэр маасабай информация средстволарынан эрдэ биллэриллибитин курдук ити бэлиэ күн ветеран комсомолецтар урукку ааспыт кэмнэрин, эдэр саастарын санатар комсомольскай субуотуньуҕу тэрийээри, 9 чаас сарсыарда В.И. Ленин пааматынньыҕын таһыгар муһунулар.

Болдьоммут чаас арыый иһинэ субуотуньуҕу тэрийэр комиссия чилиэнэ Кон-

### ЭН, КОМСОМОЛ, МИН ДЬОЛУМ...

кэлбиттэр үлэҕэ барардыы онгостоллор. Бары дьаһалта дьизин үрдүк кирилизинигэр тахсаллар.

Комсомольскай субуотуньукка кэлбит 20-тэн тахса киһини 50-с сыллардааҕы комсомол райкомун секретара Михаил Терютин, 60-с сыллардааҕы комсомол лидерэ Владимир Бочкарев ээрдэлээн тыл эттилэр.

Эдэр эрдэҕинээһини кэпсээн хаамсан киһи уулуссаны 7-с №-дээх «Туллукчаана» оҕо садыгар бараллар. Бастаан симиктик, онтон улам күүһүрэн комсомольскай ырыалар дуорайаллар. Хардыттан хардыга эрчимирэн, урукку күүрээһинээх күннэр өйдөбүллэрин кынаатыгар уйдаран сүгэлэрин кыбынан, кыраабылларын, курдьэхтэрин сүгэн дьулуруатык хаамсаллар.

Степан Платонов аатынан уулуссаҕа аатырбыт түүлээхчиг Иван Кривошапкин өрдөөбүтэ туттарбыт дьизигэр, билигин 7-с №-дээх «Туллукчаана» оҕо садын олбуорун таһыгар кыстаамыт бэрэбинэлэри хатырыктааһын уонна сулламмыт маһы олбуор иһигэр киллэриңи соруга турар. Сааһыбыт дыонно кырата суох үлэ.

Быйыл сайын «2000 үтүө дьыала» иһинэн Р.П. Макарова сэбидиссэйдээх «Туллукчаана» оҕо садыгар саха балаҕанын тутууга былааннанна. Ол маһын бэлэмигэр 40-50-60-70-80 сс. комсомол райкомун секретардар уонна комсомолецтар субуотуньукка кэллилэр.

Кэлбит дыон үгүс сэлэһитэ суох үлэлэбитинэн бар-

дылар. Бэрэбинэ чөмөбүттэн иккилии буолан биридии маһы көтөҕөн илдьэн хатырыкыраастааччыларга ууран биэрэллэр. Ветеран комсомолецтар эрчимнээх илилэлэригэр сытты сүгэлэр күүрэннээстилэр. Хастаммыт хатырыктар тэлгэнилэр. Кыраабыллаах, курдьэхтээх дьахталлар хатырыгы чөмөхтөөтүлэр. Үлэ тэтимэ сыһыа үрдүүр. Хатырыктара ыраастаммыт бэрэбинэлэр кылбаһа түстүлэр.

Субуотуньукка кэлбит ветераннар ортолоругар 50-с сылларга комсомол райкомугар үлэлээбит Николай Марков, 60-с сыллардааҕы райкомол бастаку секретара Иннокентий Кривошапкин, 70-с сыллардааҕы секретарь Михаил Баишев, 80-с сылларга райкомол иккис секретарынан үлэлээбит Григорий Колмогоров, оччотооҕу комсомолкалар Раиса Горохова, Анна Ефремова, Валентина Иванова, Екатерина Романова о.д.а., барыта 31 киһи субуотуньукка кытынна. Киһилэр 4 чааска дьыла 198 бэрэбинэни хатырыктаан, миэстэтигэр тастылар. Үлэлэрин ортогугар чэй-дээтилэр, баянистар Григорий Егоров, Николай Атласов добуһуоллааһыннарынан комсомольскай ырыалары ыллаатылар.

Субуотуньук кыттылаахтара дуоһуя үлэлээн, аны сайын бэс ыйыгар улуус киинин ветераннарын сайылыктарыгар Сизикэйгэ күрөө тутууттар субуотуньуктурга кэпсэттилэр.









